

Yeshua, Esun Ungi di Israel i Juda; Su Konosementu!!!

Felipe a haña Natanael i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi Yeshua di Nazarèt, yu di Jose." (Juan 1:45).

Yeshua: e Lei, e Enseñansa di Dios Tata!!!.

Anto un Spreit lo sali for di e tronkon di Isaí, i un Rama for di Su raisnan lo karga Fruta. E Spiritu di SEÑOR lo keda riba djE, e Spiritu di Sabiduria i Kompndementu, e Spiritu di Konseho i Poder, e Spiritu di Konosementu i Temor di SEÑOR. (Isaias 11:1-2).

E Temor di SEÑOR ta e prinsipio di Konosementu; bobonan ta despresíá Sabiduria i Instrukshon. (Proverbiomam 1:7). Mi yu, si bo kier risibí Mi Palabranan i warda Mi Mandamentunan den bo, hasi bo oreá atento na Sabiduria, i Inkliná bo kurason na Kompndementu; pasobra si bo sklama pa Disernimentu, halsa bo bos pa Kompndementu, si bo busk'é manera plata, i rondi'é manera Tesoro skondí, e ora ei lo bo diserní e Temor di SEÑOR, i deskubrí e Konosementu di Dios. Pasobra SEÑOR ta duna Sabiduria; for di Su Boka ta sali Konosementu i Kompndementu. (Proverbionan 2:1-6).

Mi pueblo ta wòrdu destruí pa falta di Konosementu. Pasobra bo a rechasá Konosementu, Ami tambe lo rechasábo di ta Mi Saserdote. Komo ku bo a lubidá e Lei di bo Dios, Ami tambe lo lubidá bo yunan. (Oseas 4:6).

Yeshua; Dios Tata Su Konosementu!!!

Pa e motibu aki Yeshua, Esun Ungi a bisa: "No kere of pensa ku Mi a bin pa abolí of anulá e Lei òf e Profetanan; Mi no a bin pa abolí of anulá, sino pa kumpli i klarifika. (Mateo 5:17).

Yeshua Su Konosementu ta dor ku Yeshua tabata presente for di kuminsamentu, kaminda Dios Tata a bisa: "Laga Nos traha hende segun Nos imágen, conforme Nos Semehansa; (Génesis 1:26). E "Nos" aki nan ta referi na e "tres den ún"; 1 Dios Tata, 2 Yeshua HaMaschiach, 3 Spiritu Santu.

Ta dor di e Konosementu aki Yeshua a bisa Su disipelnan: "Si un hende kier bin Mi tras, lagu'é nenga su mes, i hisa su Krus, i siguiMi. (Mateo 16:24). E Krus tabata un símbolo for di den desierto di Sinaí. E Krus mira for di den shelu, den e desierto di Sinaí, tabata wòrdu forma dor di e kampakamentu di e 13 Tribunanan segun e Ordenansanan di Dios Tata rondó di e Tabernakel. Nos sa ku Yeshua ta nos Tabernakel, meskos ku den e desierto di Sinaí, e Tabernakel tabata den e sentro di tur kos, asina aki Yeshua ta den sentro di tur kos. Ta pa e motibu aki Yeshua HaMaschiach a bisa: "Ami ta e Kaminda, i e Bèrdat, i e Bida; ni un hende no ta bin serka e Tata, sino pa Medio di Ami (Juan 14:6).

6 desèmber 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.